



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI
BROJ: 190
DATUM: 31.10.2014.



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Održana obuka za vijećnike na temu: "Upravljanje imovinom JLS"	1
Savremena geodetska oprema za 21 općinu	1
Predstavnicima općina Lašvanske doline nezadovoljni rokovima izrade Studije izvodljivosti	2
Predstavljena Studija energetske efikasnosti javnih objekata Tuzlanskog kantona	3
Kakanj posjetila visoka delegacija Vijeća Evrope - članova Odbora za pitanje Roma	3
Za vodosnabdijevanje Gradačca 2 mil eura	4
Podrška udruženjima žena u proizvodnji ljekobilja	4
Direktor CRS-a posjetio Doboj Jug gdje su obnovili više kuća	5
Održan drugi trening za saveze općina i gradova u BiH na temu pisanja projektnih prijedloga	5
Općini Ilidža produženo važenje certifikata standarda i okolinskog upravljanja	6

Bilten Saveza općina i gradova Federacije Bosne i Hercegovine

ODRŽANA OBUKA ZA VIJEĆNIKE NA TEMU: „UPRAVLJANJE IMOVINOM JEDINICA LOKALNE SAMOUPRAVE“



Sa obuke u Bosanskom Petrovcu

U organizaciji Saveza općina i gradova Federacije Bosne i Hercegovine, 23. oktobra/listopada, u Bosanskom Petrovcu održana je prva specijalistička obuka za vijećnike na temu: „Upravljanje imovinom jedinica lokalne samouprave“.

Obuci je prisustvovalo dvadeset učesnika iz desetak općina koje gravitiraju Bosanskom Petrovcu.

Obuka je organizirana kroz projekat Sistem obuke za jedinice lokalne samouprave u BiH kojeg finansira Švedska agencija za međunarodni razvoj (Sida), kojeg realizira UNDP sa Savezom općina i gradova FBiH kao partnerom.

Tokom obuke, učesnici su se upoznali sa relevantnim zakonskim okvirom koji se tiče ove oblasti, najnovijim trendovima i dobrim praksama upravljanja imovinom, mogli su steći osnovno znanje o principima i metodologiji upravljanja imovinom, metodama i alatima koje mogu koristiti JLS u realizaciji funkcije upravljanja imovinom, te podići svijest o značaju upravljanja imovinom u lokalnom razvoju.

Inače, Savez općina i gradova FBiH je putem istog projekta krajem 2012. i tokom 2013. godine, održao 42 seminara za općinske vijećnike. To je bio uvodni seminar koji je bio namijenjen, prijesvega, novoizabranim vijećnicima, a učešće je uzelo oko 600 vijećnika.

U skladu sa iskazanim interesovanjem vijećnika koji su pohađali spomenuti uvodni seminar, i njihovim većinskim opredjeljenjem, kreirana su dva modula i to: „Upravljanje imovinom jedinica lokalne samouprave“ i „Upravljanje gradskim / općinskim finansijama“.

Planirano je da se do kraja ove godine sprovedu regionalne obuke iz oba navedena modula sa ograničenim brojem učesnika.

Bitno je naglasiti da je obuka održana u skladu sa Strategijom obuke za jedinice lokalne samouprave u Federaciji Bosne i Hercegovine 2011. – 2015. godine, koju je usvojila Vlada Federacije BiH 2012. godine. Na osnovu pomenute Strategije, poslovi vezani za operativno upravljanje obukom izabranih zvaničnika pripali su Savezu općina i gradova FBiH.

Sljedeća obuka biće održana na istu temu u Vitezu, 5. novembra/studenog, a nakon toga u Tuzli i Tomislavgradu.



Sa obuke u Bosanskom Petrovcu

SAVREMENA GEODETSKA OPREMA ZA 21 OPĆINU

U prostorijama Federalne uprave za geodetske i imovinsko-pravne poslove u Sarajevu, 27. oktobra/listopada izvršena je primopredaja satelitskih prijemnika i totalnih stanica, koji su nabavljeni u okviru realizacije Projekta registracije nekretnina, koji Federalna uprava za geodetske i imovinsko-pravne poslove provodi putem kreditnih sredstava Svjetske banke. Oprema (18 GNSS uređaja i 8 totalnih stanica) je nabavljena putem sufinansiranja s lokalnim jedinicama samouprave i namijenjena je općinskim službama nadležnim za poslove održavanja premjera i katastra nekretnina. Radi se o GSM uređajima marke Geokom – prijemnik GNSS oznake Leica GS08 plus Smart čija vrijednost sa PDV iznosi 21.288,15 maraka.

Obuka za apliciranje prema IPA i drugim fondovima 6

Javna rasprava o nacrtu Zakona o premjeru i registraciji nekretnina 7

Konferencija o zbrinjavanju čvrstog otpada 7

Napredni međunarodni trening program "Lokalna demokratija i društvena održivost" 7

NAJAVA obilježavanja dana općina za mjesec oktobar / listopada i bitni datumi za Savez 8

KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Tešanj



Grb Općine Usora



Grb Općine Dobo Jug



Prezentacija predstavnicima općina koje su dobile

ovom nabavom su istaknuli zahvalnost i potporu budućim projektima ovog tipa. Navedeni satelitski prijemnici su namijenjeni za rad u mreži permanentnih stanica te predstavljaju najmodernije dostignuće tehnologije u ovoj oblasti. Točnost koju instrumenti uz pomoć mrežnih korekcija dostižu je ispod 2 cm. Također, osigurana je i tehnička potpora u razdoblju od dvije godine. Dobavljači opreme „Geokom“ d.o.o. i Geowild d.o.o. će prema potpisanom ugovoru biti dostupni za pružanje dodatne pomoći i održavanje obuka za rad na spomenutom instrumentariju.

Općine obuhvaćene ovom projektom aktivnošću su: Gradačac, Kladanj, Lukavac, Odžak, Vogošća, Mostar, Travnik, Visoko, Ljubuški, Donji Vakuf, Sanski Most, Srebrenik, Tuzla, Orašje, Ilidža, Kupres, Bugojno, Olovo, Novi Grad Sarajevo, Prozor-Rama, Fojnica i Dobo Jug.



Donirana oprema

PREDSTAVNICI OPĆINA LAŠVANSKE DOLINE NEZADOVOLJNI ROKOVIMA IZRADE STUDIJE IZVODLJIVOSTI



Sa sastanka Komisije

Na desetom sastanku Komisije za praćenje, nadzor i reviziju Studije izvodljivosti na projektu: „Izrada Studije izvodljivosti za projekat izgradnje centralnog uređaja prečišćavača otpadnih voda za tri općine: Dobo Jug, Usora i Tešanj“ vođena je rasprava oko zauzimanje stava po dostavljenoj dinamici izrade Studije od strane izrađivača - Institut za hidrotehniku Građevinskog fakulteta u Sarajevu. Doneseni su zaključci po kojima Komisija traži da se izrađivač Studije drži ugovorenih rokova za implementaciju druge faze izrade Studije od 80 (osamdeset) dana, a koji treba da teče od 03.09.2014. godine. Rok za dostavu razrade konceptualnih rješenja, hidrauličkih proračuna i određivanje kapaciteta postrojenja, prezentacija i odabir najpovoljnijeg konceptualnog rješenja sa predstavnicima zainteresovanih strana (druga situacija je 40 dana), što znači da je isto trebalo dostaviti investitoru najdalje do 13.10.2014. godine a što nije učinjeno. Komisija je konstatovala da je putem e-maila dostavljeni plan izrade Studije od 20.10.2014. godine neprihvatljiv jer isti prolongira navedene rokove, te traži da se najkasnije do 24.10.2014. godine investitoru dostavi izvještaj po drugoj fazi. Pojavile su se neke dileme i oko izrade „Fizibiliti Studije“ – Studije održivosti po prijedlogu PMU tima i predstavnika SIDA-e, pa je dogovoreno da se 23.10.2014. godine u prostorijama Fonda za zaštitu okoliša FBiH u Sarajevu održi sastanak na kojem će biti prisutni po jedan predstavnik tri Općina (Dobo Jug, Usora i Tešanj), te predstavnici: Izrađivača Studije, PMU tima, Fonda za zaštitu okoliša FBiH i Agencije za vodno područje rijeke Save Sarajevo na kojem će se razmatrati pitanje prekoračenja rokova izrade Studije, te razmotriti izrada „Fizibiliti Studije“ – Studije održivosti po prijedlogu PMU tima i predstavnika SIDA-e.



PREDSTAVLJENA STUDIJA ENERGETSKE EFIKASNOSTI JAVNIH OBJEKATA TUZLANSKOG KANTONA



Prezentacija Studije energetske efikasnosti

U prostorijama Kantonalne privredne komore u Tuzli, 22. oktobra/listopada promovisana je Studija energetske efikasnosti javnih objekata Tuzlanskog kantona. Studija je urađena na osnovu analize podataka prikupljenih od ukupno 378 javnih objekata na području ovog kantona. Ovim činom završena je jedna faza Sporazuma koji su u septembru 2013. godine potpisali Ministarstvo prostornog uređenja i zaštite okolice i UNDP, a čija je ukupna vrijednost 312.000 KM. Studija je na detaljan način prikazala trenutno stanje i potrošnju ovih objekata s aspekta energetske efikasnosti, te količinu i smjer budućeg ulaganja kako bi se ovi objekti učinili ekološki

prihvatljivim. Kako je istaknuto tokom prezentacije, implementacijom ove studije objekti bi zadovoljili zahtjeve i mogli bi biti smješteni u energetske prihvatljivu „C“ klasu, za razliku od trenutne „E“ klase koja podrazumijava rastrošne objekte.

„Realizacija ovog projekta za konačni cilj, ima smanjenje stakleničkih plinova i plinova koji izazivaju kisele kiše, smanjenje izdataka za energiju koji se plaćaju iz Budžet TK, a otvaraju se i mogućnosti novih zaposlenja“, istakao je ovom prilikom ministar prostornog uređenja i zaštite okolice Zvezdan Karadžin.

Nakon promocije, Studija je uručena prisutnim predstavnicima ministarstava i općina Tuzlanskog kantona.

Ono što je značajno još istaći je da ni državni ni entitetski nivoi nisu poduzeli značajne korake za razvijanje programa i strategija koje su tražene potpisanim sporazumima i ugovorima. S tim u vezi današnja prezentacija je pokazatelj da je Tuzlanski kanton lider na polju energetske efikasnosti u Federaciji BiH, a ova Studija će poslužiti kao dobar osnov za dalje aktivnosti u ovom pravcu.

Preuzeto sa: <http://www.energis.ba>



Savjet:

Želite li smanjiti potrošnju energije u vašem kućanstvu, na poslu i u prometu?

Jednostavno je: isključite rasvjetu kada napuštate prostoriju, isključite računalo preko noći, provjerite pritisak u gumama vašeg vozila. Ovi i slični jednostavni potezi uštedit će vam novac, a doprinjet će i zaštiti okoliša. Smanjenjem potrošnje energije, smanjuju se i emisije onečišćujućih tvari u okoliš. I zato, **KORISTITE ENERGIJU RACIONALNO!**

Savjet: Pronađite mjesta gubitka topline i sanirajte ih

Hladan zrak ulazi u vaš dom kroz brojne pukotine i rupe, posebice oko prozora i vrata, ali i na mjestima ulaska instalacija u kuću. U takvim je prostorijama propuh, nisu udobne i teško ih zagrijati. Procijenjuje se da ovakve pukotine i rupe uzrokuju 25 do 40% ukupnih toplinskih gubitaka u starijim kućama.



KAKANJ POSJETILA VISOKA DELEGACIJA VIJEĆA EVROPE - ODBORA STRUČNJAKA ZA PITANJE ROMA

U utorak, 28. oktobra/listopada, Kakanj su posjetili članovi Odbora stručnjaka Vijeća Evrope za pitanja Roma (CAHROM). Visoku delegaciju Vijeća Evrope koju su činili članovi iz 25 država primio je općinski načelnik Nermin Mandra i predstavnici Ministarstva za ljudska prava i izbjeglice BiH. Zajedno sa delegacijom Vijeća Evrope Kakanj je posjetio i Dervo Sejdić, koordinator Vijeća Roma BiH.

U okviru sastanka koji je upriličen u Omladinskom centru Kakanj, općinski načelnik Nermin Mandra gostima je predstavio dostignuća Općine Kakanj u pogledu poboljšanja socijalnog statusa Roma u Kakanju, posebno u segmentu razvoja koncepta socijalnog stanovanja.

Potom su prezentirana dostignuća Programa demokratskog upravljanja i učešća zajednica kroz medijaciju u BiH (ROMED). O ovim dostignućima govorio je koordinator ROMED-a za Zapadni Balkan Mujo Fafulić, te medijatori ROMED-a Admir Pindić, Mirsad Bajramović i Melina Halilović.



Grb Općine Kakanj

Parliamentary Assembly
Assemblée parlementaireCOUNCIL
OF EUROPE CONSEIL
DE L'EUROPEKORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Medijacija je metoda koja se koristi širom Evropske Unije kako bi se prevazišle nejednakosti sa kojima se Romi susreću. Medijacija podrazumijeva zapošljavanje pojedinaca iz lokalnih romskih zajednica kako bi djelovali kao posrednici između Roma i javnih institucija u pitanjima zapošljavanja, zdravstvene brige i obrazovanja.

Radi se o programu kojeg je osmislilo Vijeće Evrope.

Nakon prezentacija, upriličen je i razgovor tokom kojeg su se gosti interesirali za brojna pitanja koja se odnose na socijalni status Roma, te na aktivnosti svih nivoa vlasti koje su usmjerene na pomoć populaciji Roma.

Nakon sastanka u Omladinskom centru, upriličena je i posjeta dijelu naselja Varda u kojem žive Romi. U ovom naselju tokom prošle godine izgrađena je zgrada u kojoj je smješteno 12 socijalno ugroženih porodica Roma, a ovih dana je počela izgradnja još 4 stambene jedinice. Ove radove finansira Ministarstvo za ljudska prava i izbjeglice BiH.

ZA VODOSNABDIJEVANJE GRADAČKA DVA MILIONA EURA

Vlada Tuzlanskog kantona donijela je Program sufinansiranja projekta vodosnabdijevanja južnog dijela općine Gradačac.

Programom su utvrđeni uslovi i način sufinansiranja vodosnabdijevanja koje je od strateškog značaja za područje općine Gradačac.

Njegovom realizacijom omogućava se poboljšanje pouzdanosti snabdijevanja potrošača, poboljšanje kvaliteta isporučene vode, smanjenje gubitaka u vodovodnoj mreži, poboljšanje kvaliteta prečišćenih otpadnih voda iz postrojenja za prečišćavanje komunalnih otpadnih voda i povećanje procenat pokrivenost uslugom odvodnje i prečišćavanja te konsekvatno smanjenje potrošnje energije.

Implementacijom projekta biće stvoreni uslovi za obezbjeđenje i eksploataciju pitke vode u količini koja će trajno i zadovoljavajuće riješiti potrebe stanovništva za 12 mjesnih zajednica i 18.548 stanovnika, što čini 44 posto ukupnog stanovništva općine Gradačac.

Također će biti rekonstruisano i modernizovano postrojenje za prečišćavanje komunalnih otpadnih voda.

Tuzlanski kanton, na ime sufinansiranja zadužio bi se u iznosu do 2.000.000 eura na period 12 godina, čemu prethodi tri godine gracie perioda.

Sljedeći korak je priprema procedure za potpisivanje ugovora o zajmu između Bosne i Hercegovine i Evropske banke za obnovu i razvoj u iznosu do 6 miliona eura. Potpisivanje ugovora o zajmu je planirano do kraja 2014. godine.

Vlada je donijela i Odluku o odobravanju Programa sufinansiranja Projekta vodosnabdijevanja južnog dijela općine Gradačac u iznosu dva miliona eura, saopćeno je iz Vlade TK.

PODRŠKA UDRUŽENJIMA ŽENA U PROIZVODNJI LJEKOBILJA

Općina Doboju i Udruženje „Žena 21. vijeka“ su bili domaćini za osamdesetak žena, predstavnica više udruženja žena sa ove regije koje su involvirane u program uzgoja ljekovitog i aromatičnog bilja. Njih stotinu je direktno uključeno u ovaj program, a šezdesetak ih je dobilo certifikate od Škole za uzgoj ljekovitog i aromatičnog bilja da su uspješno završile obuku. Ovaj projekat se radi u saradnji sa USAID/SIDA/FARMA koji je prepoznao mogućnosti da se žene educiraju u ovoj oblasti. Svaki gram proizvedene sirovine, zahvaljujući koordinatorima projekta ima sigurnog kupca. Sa jednog dunuma zemlje, ovisno o vrsti proizvedenog ljekobilja moguće je ostvariti zaradu između osamsto i hiljadu i dvjesto maraka. Projekat traje četiri godine. USAID sa partnerima daje posebne stimulanse, poput ženama Kaloševića kod Tešnja za njihov uspješan rad na ovom programu. One su dobile sušaru, a na ime bonusa za uspješno provođenje ovog projekta dobile su startnu mogućnost da prošire proizvodnju, ovaj puta pčelarsku, pa su stimulirane u pčelarskoj opremi uz tri košnice sa pčelama.

Daira Čano-Koordinator u projektu uzgoj bilja organizacija „Žene za žene International“ je kazala da je projekat ove godine zastupljen u pet općina na šest destinacija: Ilidža, Istočna Ilidža, Zavidovići (Centar i Mečevići), Matuzići-Doboj Jug i Teslić. Gender centri u BiH nisu se previše uključili u ovakav način potpore ženama. Kako projekat FARMA ističe ove godine, gospođa Čano je kazala da će organizacija „Žene za žene International“ nastaviti sa podrškom svakom organizovanom načinu ekonomskog osnaživanja žena, a uskoro im se pruža takva prilika i kroz program Gold u koji su uključene općine iz oba entiteta. Radi se o programima zapošljavanja žena, kazala je Čano.



Ženama iz Zavidovića i Matuzića
uručeni certifikati



DIREKTOR CRS-A POSJETIO DOBOJ JUG GDJE SU OBNOVILI VIŠE KUĆA



U obilasku obnovljene kuće Fatime Skula

Nakon majskih poplava koje su zadesile i Općinu Doboju Jug, među prvim organizacijama koje su pružile konkretnu pomoć je i američka organizacija Catholic Relief Servicesa, poznatija po skraćenom nazivu CRS, a u sklopu projekta brze obnove za koju je nosilac UNDP. CRS je na poplavljenom dijelu općine okončala obnovu za 18 poplavljenih kuća i još toliko je u fazi obnove.

U četvrtak su predstavnici CRS-a na čelu sa direktorom za Bosnu i Hercegovinu, gospodinom Marcom D'Silvom posjetili Općinu Doboju Jug i Doboju, te sa predstavnicima ovih lokalnih zajednica obišli po jednu od porodica kojima je ova

organizacija nakon poplave obnovila domove.

U Doboju Jugu, u naselju Matuzići direktor CRS-a Marc D'Silva sa saradnicima i općinska načelnica Jasminka Begić takođe sa saradnicima obišli su porodicu sedamdesettrogodišnje Fatime Skula kojoj je majska poplava uništila prizemlje i imovinu kuće u kojoj je stanovala. Fatima se prisjećala majskih dana kada je, kako kaže uspjela iznijeti samo lijekove prije nego što joj je voda potpuno potopila prizemlje.

“Sretna sam i hvala ovim i bogami i našim dobrim ljudima što su mi obnovili kuću i što sam se vratila sada u još ljepše uslove. Sama živim, a zima dolazi. Ne mogu ni zamisliti kako bih izdržala zimu, a da mi kuća nije obnovljena. Sve je u kući postavljeno novo, lijepi zidovi, prozori, podovi, baš milina i da bogdom se svako vrati u svoje popravljene kuće”, kazala je nana Fatima. Slično je istakla i Stojka Lalić iz Matuzića kojoj je ova organizacija takođe pomogla u obnovi kuće nakon poplave.

CRS je obezbijedio putem svoje centrale iz Baltimora /SAD/ oko pola miliona dolara (sredstva koja su sakupili građani SAD-a), te uz podršku jedne holandske humanitarne organizacije na raspolaganje je stavio za poplavljenе građane BiH i Srbije oko 656.000 USA dolara. U pet ugroženih zajednica, među kojima je i Općina Doboju Jug CRS će obnoviti 179 kuća.

“Ne radi se samo obnova kuća. CRS radi na projektima hitne obnove poplavom oštećene lokalne infrastrukture kroz projekat Cesta, a u tome imaju i podršku općinskih načelnika i njihovih saradnika, kao što je to slučaj i u Doboju Jugu.

Nakon posjete porodici Fatime Skula, direktor CRS-a je posjetio sličnu destinaciju u Doboju, obnovljeni dom porodice Rade Čelić.

“CRS je na poplavljenom dijelu općine okončala obnovu za 18 poplavljenih kuća i još toliko je u fazi obnove.”

ODRŽAN DRUGI TRENING ZA SAVEZE OPĆINA I GRADOVA U BIH NA TEMU PISANJA PROJEKTNIH PRIJEDLOGA



U okviru aktivnosti podrške ILDP-a savezima općina i gradova BiH, a na osnovu Akcionog plana za 2014. godinu, u Bihaću 28. i 29. oktobra/listopada održan je trening za izradu projektnih prijedloga prema EU metodologiji, te izrada zajedničkog prijedloga projekta prema donatoru.

Ovo je bio drugi u nizu od tri treninga. Prvi je održan prije mjesec dana, a zadnji, treći će se održati krajem novembra.

Tokom ovih treninga će se iskristalisati

zajednička projektna ideja oba saveza, koja bi se trebala ticati unaprijeđenja usluga saveza u procesima planiranja i generalno upravljanja lokalnim razvojem. Nakon treninga, ILDP će, uz pomoć angažovanog konsultanta, u potpunosti razraditi projektnu ideju spremnu za apliciranje prema donatoru.

Trening se organizuje u saradnji sa drugom komponentom ILDP projekta i savezi će, kao posebna grupa, uzeti učešće na seminaru zajedno sa još tri grupe učesnika.

Ispred Saveza općina i gradova Federacije Bosne i Hercegovine ovim treninzima prisustvuje Zlata Turkić, viši saradnik za rad sa skupštinskim komisijama i institucijama vlasti.





OPĆINI ILIDŽA PRODUŽENO VAŽENJE CERFIKATA STANDARDA I SISTEMA OKOLINSKOG UPRAVLJANJA

Općina Ilidža je 22. oktobra/listopada bila predmet drugog nadzornog audita prema zahtjevima standarda EN ISO 9001:2008 i Sistema okolinskog upravljanja EN ISO 14001:2004.

Nakon što je izvršen uvid u dokumentaciju, certifikacijska kuća "TUVadria" potvrdila je Općini Ilidža Certifikat standarda EN ISO 9001:2008 i Sistema okolinskog upravljanja EN ISO 14001:2004.



Implementacijom ovih sistema upravljanja, unaprijeđuje se kvalitet pružanja usluga građanima i nastoji se uticati na svijest građana o okolinskom upravljanju.

Građani su uključeni u planiranje i kreiranje budžeta, u program prioriteta, rad komunalne infrastrukture, izradom značajnih strategija...

Općina Ilidža i dalje će biti efikasan servis u službi građana i u potpunosti će nastojati ispunjavati zahtjeve i očekivane potrebe svih njenih korisnika, saopćeno je iz Općine.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OBUKA ZA APLICIRANJE PREMA IPA I DRUGIM FONDovima



Sa obuke u organizaciji češke razvojne agencije

Nakon što su prije nekoliko sedmica ambasador Republike Češke u BiH Tomáš Szunyog, gradonačelnik Sarajeva Ivo Komšić i načelnici četiri gradske općine potpisali Memorandum o razumijevanju prema kojem će Češka razvojna agencija donirati opremu i omogućiti obuku za lakše apliciranje za sredstva iz EU i drugih međunarodnih fondova, 20. oktobra 2014. godine u Gradskoj upravi Sarajeva započela je obuka za uposlenike gradskih općina i Grada Sarajeva, navodi se na web stranici Općine Centar Sarajevo.

Prvi ciklus obuke će trajati do 31. oktobra.

„U prvom ciklusu se više bavimo teorijom i strategijom razvoja i iskustvima formiranja odjeljenja za razvoj. U drugom ciklusu, koji će započeti 10. novembra 2014. godine i trajati deset dana, radit će se samo obuka gdje će polaznici imati priliku da vide kako se pišu i rade projekti. Naš cilj je da obučimo četiri do pet uposlenika iz svake gradske općine i Grada Sarajeva da samostalno, a ne kao tim, napišu kompletan projekt“, rekao je Andreja Stojković, koordinator projekta.

Češka razvojna agencija izdvojila je 110.000 KM za ovaj projekt u okviru kojeg će svaka gradska općina i Grad Sarajevo dobiti odgovarajuću informatičku opremu.

„Oprema nije najvažniji segment ovog projekta. Važno je to da će učesnici dobiti naša znanja i iskustva iz predpristupnog perioda. Oni će naučiti kako se aplicira sa projektima i koje su sve greške rađene u razvojnim odjeljenjima. Treći segment je praćenje primjene znanja stečenih u okviru ovog projekta, što je veoma bitno. Početkom iduće godine dolazimo i pripremamo zajednički projekt sa svakom gradskom općinom i Gradom Sarajevom. Glavni cilj je da svaka od pet teritorijalnih jedinica bude sposobna da u naredne dvije godine napiše i realizira minimalno po jedan projekt“, istakao je Stojković.

Muamer Hodžić, savjetnik načelnika Općine Centar Sarajevo je kazao da će, osim znanja koje će učesnici steći i opreme koja će biti donirana, Češka razvojna agencija izraditi vodič o češkim iskustvima za povlačenje sredstava iz fondova EU komparirajući to sa važećim propisima u BiH.

!Taj vodič nam može poslužiti prilikom formiranja posebnih odjela za ekonomski razvoj u okviru općina i prilikom pisanja projekata. Nakon završetka obuke znanje koje steknemo prenijet ćemo i ostalim uposlenicima Općine Centar“, dodao je Hodžić.

„Češka razvojna agencija izdvojila je 110.000 KM za ovaj projekt u okviru kojeg će svaka gradska općina i Grad Sarajevo dobiti odgovarajuću informatičku opremu.“

JAVNA RASPRAVA O NACRTU ZAKONA O PREMJERU I REGISTRACIJI NEKRETNOSTI



Predstavnički Dom Parlamenta Federacije Bosne i Hercegovine je dana 08.07.2014. godine usvojio nacrt Zakona o premjeru i registraciji nekretnosti te je tom prilikom određena javna rasprava o ovom nacrtu u trajanju od 120 dana. S obzirom na činjenicu da je ovaj zakon veoma značajan za jedinice lokalne samouprave, Savez općina i gradova Federacije Bosne i Hercegovine, koji je u skladu sa članom 51. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06) zakonski zastupnik svojih članica (80 jedinica lokalne samouprave) pred vlastima u Federaciji Bosne i Hercegovine, organizira Javnu raspravu na nacrt Zakona o premjeru i registraciji nekretnosti.

Javna rasprava će se održati u četvrtak 06.11.2014. godine u Općini Novi Grad Sarajevo (sala Općinskog vijeća), sa početkom u 12.00 sati.

Općine mogu svoja mišljenja, primjedbe i komentare, u pisanom obliku donijeti na Javnu raspravu. Savez će nakon sprovedene Javne rasprave, primjedbe zaprimljene od jedinica lokalne samouprave dostaviti Vladi i Parlamentu Federacije Bosne i Hercegovine.

KONFERENCIJA O ZBRINJAVANJU ČVRSTOG OTPADA

Program upravljanja čvrstim otpadom u jedinicama lokalne samouprave u BiH - Grontmij (Municipal Programme for Solid Waste Management in BiH), kojeg podržava švedska vlada, organizuje Konferenciju o zbrinjavanju komunalnog čvrstog otpada.

Konferencija će se održati 10. decembra/prosinca 2014. godine, u hotelu Hollywood na Ilidži u vremenu od 10:00 do 15:00 sati.

Konferencija je otvorena za sve koji se bave zbrinjavanjem čvrstog otpada iz javnih administracija, privatnih i javnih preduzeća, učenike tehničkih škola i studente tehničkih fakulteta, kao i za nevladine organizacije i konsultantske kuće.

Program upravljanja čvrstim otpadom u jedinicama lokalne samouprave u BiH je od 2010. godine osigurao jačanje kapaciteta za 44 općine u Bosni i Hercegovini, pomogao je u izradi planova upravljanja čvrstim otpadom, te je finansirao investiciju u novu opremu za prikupljanje.

Teme o kojim će se diskutovati na konferenciji su sljedeće:

- Prezentacija rezultata Programa;
- Održivost općinske usluge prikupljanja podataka;
- Regionalni Centri za obradu otpada;
- Prijedlog budućeg sistema zbrinjavanja otpada.

Registracija i naknada za učešće se plaća.

Detaljnije informacije o Programu se nalaze na web stranici: www.bih-waste.se

NAPREDNI MEĐUNARODNI TRENING PROGRAM „LOKALNA DEMOKRATIJA I DRUŠTVENA ODRŽIVOST“

Švedska međunarodna agencija za razvoj (Sida) i Švedski međunarodni centar za lokalnu demokratiju (ICLD) organiziraju međunarodni program "Lokalna demokratija i društvena održivost".

Cilj projekta jeste da se doprinese reformama i promjena u izabranim zemljama - Bjelorusija, Ukrajina, Gruzija, Kosovo, Bosna i Hercegovina, Moldavija, Makedonija, Srbija i Turska.

Projekat se sastoji od sedam faza:

1. Početni sastanak;
2. Rad na projektu za promjene;
3. Trening u Švedskoj;
4. Rad na projektu za promjene;
5. Državne radionice;
6. Rad na projektu za promjene;
7. Finalna radionica.

Treća faza treninga tj. trening u Švedskoj će se održati u mjesecima maj-jun 2015. Tačno vrijeme i mjesto regionalne radionice znat će se kasnije.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Idite na Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

Program se odnosi na profesionalce koji aktivno rade na problemima bliskim lokalnoj demokratiji i razvoju. Iz svih zemalja će učestvovati ukupno 25 učesnika. Odlično poznavanje engleskog jezika je obavezno. Aplikacija mora biti ispunjena na engleskom jeziku te prevedena od strane ovlaštenih prevodilaca. **Kranji rok za apliciranje je 30. novembar 2014. godine.** Aplikacija se predaje u švedsku ambasadu.

Organizatori snose sljedeće troškove: naknadu za sudjelovanje i troškove smještaja, putovanje u Švedsku, putovanje na regionalne radionice.

Ostale troškove snose učesnici (npr. troškovi vize, lokalni prevoz, i sl.).

Više informacija o programu i načinu apliciranja možete naći na web stranici Saveza.

NAJAVA OBILJEŽAVANJA DANA OPĆINA ZA MJESEC OKTOBAR / LISTOPAD I BITNI DATUMI ZA SAVEZ

- **17. novembar/studeni - Dan Općine Čelić.** Na taj datum 1991. godine putem referenduma 99% stanovništva se izjasnilo za izdvajanje iz sastava opštine Lopare i SAO Semberija i Majevice.
- **18. novembar/studeni - Dan Općine Grude.** Na ovaj datum 1991. godine osnovana je Hrvatska zajednica Herceg-Bosna, kao politička, kulturna, ekonomska i teritorijalna organizacija hrvatskog naroda u BiH.
- **21. novembar/studeni - Dan Općine Drvar.** Ovaj datum je prihvaćen za obilježavanje dana Općine Drvar s obzirom da je tog dana 1995. godine potpisan Dejtonski mirovni sporazum.



Grude

- **Savez općina i gradova FBiH pristupa članstvu Kongresa lokalnih i regionalnih vlasti Vijeća Evrope (CLRAE) od novembra 1994.**



Drvar



Čelić